

Tawellemmet - Agape Əlkəttaban - God's Love Letter Scriptures

Yaxya 15:9 Tara ta di-iga Abba, ənta a dawan-əge; əttəfat-tat.

Isayas 43:1,2 - Kəl-Efez 2:10 Şixəllak ən Məşśina a nəmos, a d-ixlâk əs tarrayt n
Əlməsix Əysa fəl ad nagu təməddurt day nətamazal awa olayan âs Məşśina a t-
isammataqan harwa day tizarat y a tu-nammazal.

Əməli 1:5 - Kəl-Galatəya 1:15-17 Məşśina a di-isannafranan, harwa da ahey tadist n
anna-nin, iyr-i dey s arraxmat-net y ad t-əybada. Amaran assaya wa das-igraz a
di-isənnəfiləl Barar-net fəl ad əməlay isalan-net a tan-imosan Əlinjil y aytedan
win wər nəmos Kəl-Əlyəhud, assaya wədi day ad əkkey Arabəya, dəffər adi
əqqala-du Damas, da wər əşşəwwaray awedan waliyyan, za wər əggəzzaya əs
Yerusalem y ad əssuməra tanat meddan win di-azzarnen tişit ən nəmmuzal.

Yaxya 15:16 Wər di-təsannafranam, kawanay amaran, nak a kawan-isannafranan;
əssiwaraq-qawan ad taglim, tammazalam awa təha tənfa tagget yur Məşśina.
Tənfa di da ta za tahagit. A təgmayam dey day Abba s əsəm-in a dawan-t-agu.

3 Yaxya 1:2 Əməri-nin əsidaranay-ak təttəyt day anamod kul, d assahat ən təyəssə-
nak zun ta təge day əzəgzan-nak.

Isayas 43:4 - 1 Butros 2:9,10 Kawanay amaran: «Tawşet tənnifranat a təmosam,
tiddawat ən limaman ən Məşśina di n Əmənokal, təmosam harwa da ayrəf
iskatan əs Məşśina, təmosam dey tamattay-net. Ikkas-kawan-du fəl ad
təmmalam igitan simklalnen,» win iga id ənta a kawan-d-işran day şiyay, ig-
iwan day ənnur-net isinahalan əmələwləw. 10 Kawanay dat awa, wər təmosam
fadda tamattay, amaran əmərədda təqqalam tamattay ən Məşśina. Dat awa wər
təgrewam əhənətta fadda, əmərədda amaran təgrawam-tu.

Əməli 31:3 - Kəl-Efez 1:4 Day adi, əssənatanay as harwa dat əxluk n əddənet a
danay-isannafran Məşśina y ad nəqqəl i-net əs tarrayt n Əlməsix fəl a dat-əs
nəqqəl aytedan zaddognen wər iwer a imosan lahan, fəl ad nagu təməddurt təha
tara.

2 Timotay 1:9 s ənta danay-issəfsan, ig-ana teyaray zəddigat, wərgey fəl əddəlil ən
mazalan-nana, kalar fəl əddəlil n awa issəbdad Məşśina əs tara-net, d arraxmat
ta dana-tətawakfat əs tarrayt n Əlməsix Əysa harwa dat axluk-net əddənet.

Yaxya 3:16 Fəlas, Məşśina awa iga y əddənet day tara ikfa Barar-net a n iyyanda fəl
ad iqqəl as i sər-əs izzəgzanən wər z'ihlək, kalar ad igrəw təməddurt ta təylalat.

Osay 11:8; Isayas 49:15,16; & Isayas 41:13,14

Luqa 12:32 Təsəgərt n ayfad-in a kamat-wər-təggəz tasa, fəlas Abba-nakmat igrâz-
as wəllen a kamat-akfu taymar-net.

Matta 28:20 Sassayıwat-tan ləkkum y aratan kul win as kawan-omara. Nak amaran
əssənat as əlle yur-wan faw, har əyrud n əddənet.»

Yaxya 14:1 Inn-asan Əysa: «Ad wər təşşəwəşam, zəgzənat əs Məşśina,
təzzəgzənam sər-i nak da.

Əzzəbur 23:1 - Yaxya 10:11 Nak a imosan amadan wa olayan. Amadan wa olayan
iman-net a ihakku fəl ayfəd-net.

Əzzəbur 23:2 - Ənəfilal 7:17 id Əjemar wa ihan ammas ən təxawit ta n təyərət a dər-
san z'annattafan, s əmmək as itanattaf amadan d aharay-net, awəy-tan əs
şittawen n aman win sidurnen, təzzar iməs Məşśina iməttawan-nasan kul.»

Əzzəbur 23:3,4 - Luqa 1:79 fəl ad imələwləw ənnur-net fəl aytedan win əqqimnen
day şiyay, əhənət tələy ən təməttant, izəzzəluləy takkolen-nana day tarrayt ta n

alxer.»

Əzzəbur 23:5,6 - 2 Kəl-Korent 1:10 Ənta a dana-d-ikkasan day tazak labasat ən tamattant ta nəggaz den, ənta a dana-du-z-ikkəsan day adag şilat ən wen. Nəgâ dey attama n as, i tu-nəggaz, a dana-d-ikkəs.

Kəl-Filib 4:7 As iga adi, alxer wa ihakku Məşśina, imosan alxer illân dənnəg arat kul was ifrag awedan əgerri-net, ad agəz iwällan-nawan əd medranan-nawan day arat kul id tartəyt a təgam d Əlməsix Əyasa.

Əlmital 3:24 & Əzzəbur 4:8 - Yaxya 14:27 Oyyey-awan-du alxer, əkfeq-qawan alxer wa-nin; nak wər dawan-t-əkfey əs təməwit tas tu-təhakku əddənet; ad wər təşşəwəşam wala təggəz-kawan tasa.

Əzzəbur 33:18 - 1 Butros 3:12 Amaylol iswâd day aytedan win oğadnen, amaran iqabbal şiwatriwen-nasan. Amaran win əşşokalnen day təkma, akyud a tan-iga.»

Kəl-Ərrum 5:2 Tarrayt n Əlməsix as nəgraw arraxmat [s əssəbab n əzəgzan-nana]. Arraxmat en ənta fellə-nana. Nəddəwat amaran attama wa nəga day tanaya ən Məşśina, ənta a imosan abarag-nana.

Isayas 55:12 - Luqa 19:40 Inn-asan Əyasa: «Ənney-awan, as əffəstan, şihun a, a za səyyərətnen.»

Yaxya 16:22 Kawanay da zun d adi da, əmərədda əyşâdan man-nawan, mişan a kawan-ələsay anay, əzəl wədi ad tagim tədəwit as tu-wər-illa i day-wan tat-z-ikkəsan.

Luqa 12:9 Mişan wa di-inkuran dat aytedan, wədi nak da ad t-unkaray dat angalosan ən Məşśina.

Matta 10:30 Kawanay amaran wala anzadan ən ყafawan-nawan da kul əddəunan.

Isayas 54:10 - Matta 24:35 Ijənnawan d amaçal ilkam ad ib'as t-əllan, mişan batuten-in əllanat-tu har faw.»

Matta 11:28-30 Akkiyat-i-du ketnawan win əddaznen, ewayan əzuk, a kawan-akfa təsanfawt. 29 Bardagat-i təlkamam i tara-nin, tabəzam fall-i masnat, id nak məşśis ən talimat a mosə, əwəl-in dey wər t-iha zazwar ən man. Əddi ad za təgrəwam təsanfawt i man-nawan, 30 fəlas ləkkum i tara-nin isinaflay, əgəggi-nin dey i fəsusən.»

Suliman 2:10 & Osay 2:14,19,20

2 Kəl-Korent 11:2 Fəlas əgey-awan tara ta n təsmiten, şismiten di da şin d-əfalnen Məşśina, id təhâm-i şaşşelan ən təntut əs wər kala a tat-idəs aləs, a dər isimarkas aləs iyyanda, a t-imosan Əlməsix, amaran nak a das-isamarkasan dər-əs.

Exodus 3:14 - Kəl-Əibri 13:8 Əyasa Əlməsix iman-net awa imos əndazəl ənta a imos azalada, imos-tu dey har faw.

Osay 13:4 - Igitan 4:12 Ənta əsər a iyallasan, amaran wər ikfa Məşśina gər jənnawan d amaçal esəm n awedan iyyan was za nəyləs ar wa-net.»

Yaxya 15:14 As imos as tətaggim awas kawan-omara, wədi kawanay imidawan-in.

Yaxya 14:6 Inn-as Əyasa: «Nak a imosan tarrayt id əmosa tidət əmosa əntada wa ihakkan təməddurt. Awedan waliyyan wər in-z-awəd Abba, ar əs tarrayt-in.

Ənəfilal 3:20 Ənəyat! Nak əlley yur təsəhərt n ahan takawkawaq-qat. As di-isla awedan, olam-i ehan, ad əggəzəy aqaywan-net, ədrəwa dər-əs təməklawt.